

# UUT'T OLDE VODDEN

Hei wel us een òven ezeen?  
Zo ene uut de olde tied,  
Woorw 5 weggen-bakken in deen?  
Wiej bunt ze noew mees kwiet.  
Iej zeet ze hoas neet meer  
De meesten bunt af ebrokken,  
Moer onsluù waarn door weleer  
Toch heel nauw bije betrokken!  
Zon dink had ummers vòlle zin,  
Want onze dagelukse kos  
Wodden gaar-gevormd dóor in  
Met ut vuur van een holtbos.  
Tuurluk neùs eigenbak-weggen  
Zou ok roggebroot wel etten  
Want ut was neet te weerleggen  
Brood zol zich meer „zetten”.  
De weggen dee zol altied door  
Veur lekker etten deur goan,  
En brood al liekt ut wat goor  
Zol in de maage better „stoan”!

Zon òven dee hier buuten ston,  
Altied wat appart-alleen,  
Drumme hen niks dat brannen  
kon  
Zodat de vlammen gin kwòdd  
deen.  
tWas net een huus int klein  
Zo as wiej kinder zeggen zollen,  
En wie vonnen tmoor fijn  
Um dr us umhèn te hollen!  
tDink was zon twee meter breed  
De lengte ietsken meer,  
nDak zo as op n huus ok steet,  
Met pannen, moor gin windveer.  
De hoogte zol zo umtrent  
Twee meter-ruùm wel wèen,  
Kleine moate buw an gewend  
Zo as ze hier vake zèen!  
An de veurkante was ee loek  
Onder rech, bòven met n tooge,  
tWas dikke, sterk en kloek,  
tPassen in de gemetselde boège.

Dat zetloek door dan was  
Goed pas emaaft in de sponning  
Ze zetten t met n dwasholt vas,  
Ut was een stevug ding.  
De feitlukke hòjum der òven  
Was zon meter bòven de grond  
Dan vanaf dee bòjum noa bòven  
Wast dat een metsel-bòge stond.  
De òven hadden dus binnen in

De vorm van een halve moane,  
kWet neet of tat had vòlle zin  
Moor zo heb ze t altied edoane.  
Ut was ech goed metselwerk  
Dat konnen ze vrògger ok al,  
Dee bòjum was dikke en sterk,  
Ok met ut gewelf was tat tgeval.

Onder dee boamvloer tut de  
grond  
Dee ruimte door was hol,  
En ieder van ons kinder vond  
Dat tat was veur ónze lol!  
Dus kroppe wiej dr vake in  
Aw pièp-vestoppen deen  
Dat mothol had veur ons vòl zin  
(Wat's tat al weer lange eleen!)  
Alléne ait daagse grei an had  
Want ie maakte twel us bont,  
Zolle wie kroepen in dat gat  
Al wast toor wel dreuge grond.  
Moer ie wodden toch hups zwat  
Want dr lei altied nhoop asse,  
Moor wiej vonnen dat ons tat  
Minder kwoad dee as een plasse.  
Moor met goeje klère an, nee,  
Want bie alles wau dan deen  
Mos ie uitkieken door dan mee  
En oew ok altied wat ontzeen!

Ut bakken van stoete of weggen,  
Wat ze èns in de wekke deen  
Dat passen umt zo us te zeggen  
Heelmòol bie alles vant veleen.  
Ut was neet zon klein werk,  
Doors n hoop tied met hèn egoan,  
Veral vrouwluu waarn drin sterk  
Dee hebt tr tmeeste an edoan.  
tBewerken van ut weitemèel  
Daw ok blom of bloem wel  
neumen  
Zonder bolsters, neet gries-gèel,  
Dat werk konnen ze wel  
dreumen!

Zee hadden dan een bakke-trog,  
Zon bak met peute dr onder,  
Door in zag ik dan vake toch  
Ut begin van ut bakken-wonder!  
Wat hadden ze t vake al edoan,  
Moor ut bleef toch zwoor werk  
Veral t veur de bakketrog stoan!  
Och, de wiève waarn toè sterk!

En wat een werk was tat mengen!  
Veral as de vrouwe was alleen  
Ze most moor op kòn'n brengen  
tZwoore werk dat ze toè deen!  
Ai ut knèèjen en drukken zag  
Dat ut mèèl mos ondergoan!  
Oew possie hau dan ast mag  
Geern an een ander òver edoan!  
As ter vòlle mos wodden ebakken  
Deen somgen, zeìen ze, dat knèèn  
Met blote veute; met de hakken  
Zollen ze ut beslag dan trèèn!

In de tied dat t deeg ging rièzen  
Deur de geste dee drin zat,  
Zatten zee neet te knèèzen,  
Moor hadden alweer wat an evat!  
De òven wodden dan an emaaft!  
Van de bosmiete npaar busse  
holt,  
Een votse stroo uut de schuur,  
En in de òven, eers kolt  
Zag ie dan een knetterent vuur!  
De vlammen kwammen ok wel  
Noa buuten deur ut loek-gat,  
tWas toor dan heite as te hel,  
tPuntgeveltjen was altied zwat!

As tat holt tan was vebrand  
Lei dee bòjum onder ut vuur  
Dat veègden ze dan noa de kant  
En krabden ut truit secuur!  
Dan ging meténe drin de weggen  
Met nhòlten schoèfel deen ze dat  
Ze zollen ut in riejen leggen  
Moor dee heupkes waarn zo plat!

Noew gaw ut loek ter veur,  
De hitte mos trin blièven,  
De vrouwe had n slim hitte-kleur  
Moor zol noew wat ruste kriègen.  
Een tiedjen later zol ie zeen  
Dat dee kleine heupkes-zodden  
As ze tloek ietsken lós deen  
Vòlle groter waarn ewodden!

Gaar-deur-ebakken haal'n ze  
truit  
Zol'n top nkoele plaasse zetten.  
Noew konnen ze weer veuruut,  
Weer een wekke weggen etten!